



# **JAMHURI YA MUUNGANO WA TANZANIA**

## **WIZARA YA MALIASILI NA UTALII**



**Mradi wa Kuendeleza Utalii Kusini mwa Tanzania**  
**(Resilient Natural Resource Management for Tourism and Growth**  
**(REGROW) Project)**

## Utangulizi



Kalambo Fall Fahari ya watu wa Rukwa



Hifadhi Ya Taifa Ruaha



Hifadhi Ya Taifa Mikumi

Serikali ya Jamhuri ya Muungano wa Tanzania kupitia Wizara ya Maliasili na Utalii inatekeleza mradi wa kukuza utalii kusini mwa Tanzania (REGROW). Mradi wa REGROW ni mkopo kutoka Benki ya Dunia na lengo kuu la mradi huu ni kuboresha maeneo yenye vivutio vya utalii katika ukanda wa kusini mwa Tanzania.

Hii ni pamoja na kuboresha usimamizi wa maliasili na kuimarisha fursa za kiuchumi kwa wananchi wanaozunguka hifadhi ili kuongeza mchango wa sekta ya utalii katika maendeleo ya kiuchumi nchini. Serikali inadhamiria mradi huu uwe wa mfano katika kuleta maendeleo kwa kufungua fursa za kiuchumi kwa jamii na taifa kwa ujumla.

Mradi wa REGROW unatekelezwa katika maeneo ya kipaumbele ambayo ni Hifadhi za Taifa Ruaha, Mikumi, Udzungwa, na Pori la akiba la Selous (Kanda ya Kaskazini). Maeneo hayo ndiyo yenye idadi kubwa ya watalii na kuboresha miundombinu kwenye maeneo hayo kutasaidia kuongeza watalii na mapato kwa ajili ya kuimarisha vivutio vingine vilivyoko kusini.



Hifadhi Ya Taifa Udzungwa



Pori La Akiba Selous

## SEHEMU ZA MRADI (PROJECT COMPONENTS) NI HIZI TATU ZINAZOFUATA.

### KUIMARISHA USIMAMIZI NA KUBORESHA MIUNDO MBINU NDANI YA HIFADHI ZA KIPAUMBELE.

Sehemu hii ya kwanza ya mradi inakusudia kuimarisha usimamizi wa maliasili kwa kujenga uwezo wa kuzisimamia na kuboresha miundo mbinu. Miundo mbinu itakayoboreshwa ni pamoja na barabara, viwanja vya ndege, malango ya kuingilia, maeneo ya mapumziko (picnic), vituo vya doria na tafiti, vituo vya taarifa za utalii, n.k

### KUIMARISHA SHUGHULI MBADALA ZA KIUCHUMI KWA JAMII.

Sehemu hii inakusudia kuisaidia jamii inayoishi pembezoni mwa hifadhi za kipaumbele kunufaika kiuchumi na utalii au shughuli mbadala za kiuchumi zisizo na madhara kimazingira. Hii itasaidia jamii kujiandaa kupambana na athari zitokanazo na mabadiliko ya tabia nchi na pia kupunguza uvamizi kwenye maeneo ya hifadhi.



Mafunzo kwa Askari wa Wanyamapori wa Vijiji.

### KUIMARISHA USIMAMIZI WA VYANZO VYA MAJI MTO RUAHA MKUU NA KUBORESHA MIUNDO MBINU YA UMWAGILIAJI.

Sehemu hii inakusudia kuboresha miundo mbinu ya umwagiliaji ili kupunguza au kuondoa upotevu wa maji na kuimarisha mifumo ya umwagiliaji. Pia itawezesha utengenezwaji wa kingo kwenye mto Ruaha ili kupunguza uwezekano wa mto kukosa maji kabisa na wanyama kuteseka



Barabara




Viwanja vya ndege



Ufugaji Nyuki



Kuboresha mfumo wa umwagiliaji



## KWA MAWASILIANO:

Mtaa wa Kilimani, Barabara ya Askari, S.L.P 1351, 40472 – DODOMA

**Simu:** 026 2321566, Nukushi: 026 – 2321514

**Barua pepe:** ps@maliasili.go.tz